



OPĆINA TEŠANJ

IZVJEŠTAJ 2012.

OPĆINSKOG NAČELNIKA

za period od 01.01. do 31.12.2012. godine

Broj: 02-49-2-463/13

Datum: 18.02.2013. godine

Sadržaj

UVOD	3
LOKALNA UPRAVA	4
POSLOVNO OKRUŽENJE	6
EKOLOGIJA	7
MLADI	7
KULTURA I NASLIJEĐE	7
REALIZACIJA STRATEŠKIH DOKUMENATA.....	8
POLJOPRIVREDA.....	8
KOMUNALNA INFRASTRUKTURA I SAOBRAĆAJ	8
CIVILNA ZAŠTITA	9
JAVNA PREDUZEĆA I USTANOVE	9
MJESNE ZAJEDNICE.....	9
NVO	9
BORAČKE POPULACIJE	10
PENZIONERI, SOCIJALNA ZAŠTITA.....	11
DOMAĆE I MEĐUNARODNE INSTITUCIJE-SARADNJA SA DRUGIMA.....	11

UVOD

Lokalna samouprava i njen rad uređeni su Ustavom Federacije BiH, te posebno Zakonom o principima lokalne samouprave FBiH. Samim uređenjem Bosne i Hercegovine, kao i svim specifičnostima postojanja i uređenja lokalne samouprave vidljivo je da govorimo o izrazito složenim odnosima. Kada lokalnu samoupravu analiziramo na mikroplanu, onda je vidljivo da je riječ o teretu ostvarenja prave uloge lokalne samouprave, o tranzicijskom procesu u nadležnostima (počev od organa lokalne samouprave Općinskog vijeća i Općinskog načelnika), o finansijskim ograničenjima nametnutim od viših nivoa vlasti (primjer kredit MMF-a koji su korisitli entiteti, a vraćaju i općine kroz raspodjelu sredstava PDV-a), o problemima „uzimanja i ostavljanja“ nadležnosti itd.

Bilo kako bilo, Općinsko vijeće Tešanj i Općinski načelnik jesu zajednički odgovorni za funkcioniranje jedinice lokalne samouprave, te pojedinačno odgovornosti za ostvarivanje vlastitih nadležnosti.

Pomenuta odgovornost proizilazi iz izvornih (direktnih) i prenesenih (dodijeljenih) nadležnosti općine. Ove nadležnosti se mogu analizirati i kao servisne (pružanje usluga) i regulatorne (utvrđivanje određenih politika, planiranje i koordiniranje određenih aktivnosti).

Općinski načelnik, kao izvršni organ općine dužan je informirati Općinsko vijeće o ostvarivanju politike lokalne samouprave.

Dvije posebnosti ovog Izvještaja jesu:

- U ranijem periodu nije utvrđena precizna forma izvještaja, te tako nije određeno šta izvještaj treba sadržavati u kojem obimu i sl. Ovo ima dobre i manje dobre efekte. S jedne strane Općinski načelnik ima priliku da samostalno procjenjuje važnost određenih tema, njihovu širinu ili način predavljanja, a s druge strane ostavlja puno prostora vijećnicima da kakav god izvještaj bio o istom raspravljaju na političkoj osnovi, bez stvarnog uvažavanja činjenica i okolnosti.
Uz to mogu postojati shvatanja da Izvještaj Općinskog načelnika treba sadržavati samo podatke o radu njega kao jedne osobe. Ovakav pristup bi bio pogrešan, jer je Općinski načelnik, kako je već pomenuto izvršni organ općine.
- U 2012. godini provedeni su lokalni izbori, što u stvari znači da ovaj izvještaj obuhvata period rada prethodnog Načelnika i mene koji tu dužnost obavljam od 16. novembra. Izvještaj na izvjestan način obuhvata dio mandata prethodnog Općinskog vijeća i dio novog mandata. To može stvarati poteškoću u razumijevanju određenih aktivnosti, ali može i predstavljati ograničenje u pravilnom predavljanju svih aktivnosti Općinskog načelnika. Stoga unaprijed tražim razumijevanje ukoliko sam za period do 16. novembra 2012. rad Općinskog načelnika i ostvarenje politike lokalne samouprave interpretirao na svoj način prema vlastitom viđenju stvari.

LOKALNA UPRAVA

Lokalna uprava je trenutno organizirana u 5 općinskih službi sa prosječnim brojem uposlenih tokom 2012 godine od 96 osoba (uključujući Općinskog načelnika i Pravobranilaštvo, vatrogasnu jedinicu). Prema trenutnim okolnostima Općina Tešanj ima mali broj zaposlenih u lokalnoj upravi, što je pozitivno po budžet općine i što treba zadržati i u narednim godinama. Npr. općine u FBiH sa približno istim brojem stanovnika imaju preko 120 zaposlenih (Srebrenik, Kakanj.). Za opis rada lokalne uprave mogu se koristiti slijedeće cjeline:

a) Neposredno rukovođenje lokalnom upravom.

Realizirano je ukupno 43 sastanka rukovodstva općine na kojima je razmatrano 85 tačaka dnevnog reda. Definisano je 159 zadataka i obaveza. Svi zapisnici su javni i nalaze se na općinskoj web stranici. Općinski načelnik je prema nadležnosti aktivni sudionik administrativnih procesa u općini i odgovoran za izvršenje Budžeta. Time se u stvari veliki dio vremena posveti redovnim poslovima rukovođenja administracijom.

b) Edukacija i razvoj ljudskih resursa

Tokom 2012 godine uposleni su prošli 17 internih edukacija realizovanih petkom ujutro u vremenu od 7:30 do 8:30, sa prosječno prisutnih 35 uposlenih. Pored toga provođenje su eksterne edukacije za određena područja rada i zahtjeve radnog mjesta uz podršku Agencije za državnu službu, domaćih i međunarodnih institucija. Na ovaj način još 24 osobe su prošle dodatne edukacije

Shodno obavezama iz Zakona svi uposleni prolaze kroz proces godišnjeg ocjenjivanja, a promjenom metodologije u 2013. godini svi uposleni imaju ciljeva koje trebaju realizirati.

c) Elektronska uprava

U prethodnom periodu postignut je značajan napredak u razvoju elektronske uprave u općini Tešanj (primjena dokument menadžment sistema DOCU NOVA, primjena softverskih rješenja u upravljanju finansijama, katastarskim evidencijama, matičnim knjigama, evidencija prisustva uposlenih itd..). U 2012. značajan napredak je ostvaren nabavkom i implementacijom geoinformacionog sistema (GIS). Konačni rezultat bi trebao biti mnogo bolje upravljanje imovinom, jednostavan pristup informacijama za donosiocje odluka, za uposlene, za građane i za investitore.

d) Sistemi upravljanja kvalitetom i okolišom

U dosadašnjem periodu općina je napravila velike iskorake u području razvoja sistema upravljanja kvalitetom. U tom smislu tokom 2012. godine organizirana su:

- 2 interna audita:
 - 1. audit 30.05.2012. godine
 - 2. audit 15.11.2012. godine
- Externi auditi (ISO 9001:2008):
 - 2. Nadzorni audit 19.01.2012.
 - Recertifikacijski audit 27/28.12.2012.
- Externi auditi (ISO 14001:2004):
 - Predcertifikacijski audit 19.01.2012. godine
 - Certifikacijski audit 03.02.2012.

Općina Tešanj posjeduje certifikat ISO 14001:2004 od 16.02.2012. godine, br. CR18301E, važi do 15.02.2015. godine.

Pomenuto podrazumijeva da se redovno postavljaju i realiziraju ciljevi sistema kvaliteta (u području zadovoljstva uposlenih i zadovoljstva korisnika usluga, ciljevi glavnih procesa obrade zahtjeva, izrade i realizacije budžeta, razvoja zajednice i donošenja i provođenja lokalnih propisa).

e) Servisne usluge lokalne uprave

Općina trenutno najveći broj servisnih usluga pruža kroz servisne centre (šalter sale). Trenutno imamo organizirana 4 servisna centra (Tešanj, Jelah, Tešanjka i Kalošević). Možemo pomenuti da je u prethodnoj godini urađeno 118.681 ovjera dokumenata, ili da je iz matičnih evidencija izdato 17.647 uvjerenja, izvršeno 13.977 CIPS provjera za lične dokumente. Redovan servisni rad lokalne uprave podrazumijeva rješavanje upravnih postupaka. U 2012. godini situacija u tom pogledu izgledala je na slijedeći način:


Upisnik prvostepenih predmeta za organ uprave po službama - upravni postupak

Služba	Predmeti iz 2011	Predmeti u 2012	Ukupan broj predmeta	Broj riješenih predmeta
Služba za DD, komunalne poslove i ekologiju	434	782	1216	666
Služba za finansije, privredu i inspekcije	9	3513	3522	3481
Služba za katastar, urbanizam i imovinsko-pravne poslove	373	2608	2981	2669
Služba civilne zaštite	0	1097	1097	1097
Služba zaborako invalidsku zaštitu i opće poslove	215	1724	1939	1328
UKUPNO	1031	9724	10755	9241

f) Modeli i alati unapređenja

IDEJE

Svi uposleni imaju mogućnosti da predlažu određene ideje koje mogu poboljšati rad organ uprave ili kvalitet življenja na prostorima općine. Tokom godine pristigle veliki broj ideja različite vrste koje se ocjenjuju prema njihovoj korisnosti i upućuju u realizaciju.



PR - Preporučljivi prijedlozi za realizaciju

R - Priroitetni prijedlozi za realizaciju

NR - Prijedlozi koji nisu trenutno neophodni za realizaciju

CALL centar

CALL centar je alat kojim se omogućava građanima da anonimno prijavljuju probleme sa kojima se susreću, od problema na infrastrukturi do problema u ostvarivanju svojih prava, odnosa uposlenih lokalne uprave, ali i probleme u zajednici na koje općina ima uticaja (JU i JP). Prijave su anonimne i obrađuju se sa povratnom informacijom u roku od 72 sata. Ovaj alat je istovremeno i prevencija korupcije. Tokom 2012. godine imali smo 107 poziva, od čega je pozitivno riješeno 74 slučaja, 30 zahtjeva ili prigovora je prekinuto, 3 su u procesu rješavanja.

- g) Općinski načelnik i uprava servisirali su Općinsko vijeće pripremivši materijale za 123 tačke dnevnog reda, pripremivši 47 odluka, 40 izvještaja i informacija, te odgovorivši na 87 vijećničkih pitanja.

POSLOVNO OKRUŽENJE

Atraktivnost općine u pogledu poslovnog ambijenta, rada već dokazanih privrednih subjekata, kao i mogućnosti i pogodnosti koje u tom pogledu postoje, već je prepoznata u okruženju, kod domaćih i međunarodnih investitora, ali i domaćih i međunarodnih institucija i organizacija. Kao dokaz tome možemo pomenuti da je općina Tešanj jedna od samo tri općine iz BiH koje su pozvane da učestvuju na Investicijskom forumu „BiH-UK“, koji će se održati u Londonu tokom aprila mjeseca. I kod Poslovnih novina, Tešanj je kroz serijal članaka predstavljen kao destinacija u kojoj se izgrađuje povoljni ambijent za investicije. Danas se iz Tešnja izvozi u više od 50 zemalja svijeta i općina mora biti podrška tako uspješnoj privredi.

- a) Općina Tešanj je prva u Bosni i Hercegovini ponudila zemljište bez naknade, bez naknade za uređenje građevinskog zemljišta i administrativnih troškova prema Općini. Lokacija VILA u Bukvi je od Općinskog vijeća odabrana za ovaj projekat. U 2012. godini proveden je postupak za ulazak prve investicije procijenjene na 7 miliona KM (SGI), a trenutno postoje iskazani interesi za još dvije investicije, o čemu će se Općinsko vijeće odrediti u narednom periodu.
- b) Tokom 2012 godine implementirana su sredstva općinskih obveznica u novoj poslovnoj zoni, ukupno 500.000 KM, najveći dio u građevinske radove, a nešto i u rješavanje imovinsko-pravnih odnosa, otkup i eksproprijaciju zemljišta. Postojali su određeni problemi u vlasničkoj strukturi koji su zahtijevali provođenje postupka eksproprijacije sudskim postupcima. Takvo postupci su uzimali više vremena nego što je propisano zakonom, ali su neki od njih već riješeni. Ovih dana očekujemo okončanje eksproprijacije u još dva slučaja.
- c) Treća traka – U 2012. godini izgrađena je još jedna dionica treće trake u poslovnoj zoni Bukva u što je utrošeno 135.668,55 KM.
- d) Stambeno-poslovni kompleks Musala je tokom 2012 godine došao u fazu korištenja. Premda ima još dosta aktivnosti na uređenju dijela javnih objekata (biblioteke i sportske sale) realizacija projekta kroz javno-privatno partnerstvo dala je potvrdu uspješnosti i razvila pozitivan odnos spram ovakvog modela uređenja lokalne zajednice.
- e) Hotel – Tokom 2012. godine usvojen je Urbanistički projekat kojim je obezbijeđen kompromis javnog i privatnog interesa. U drugoj polovini godine nastavljen su aktivnosti na rješavanju ostalih pretpostavki početka gradnje i uređenja hotela (ranije neriješeni imovinsko-pravni odnosi...). Prema trenutnim najavama investitora, u 2013 godni bi mogli započeti građevinski radovi.
- f) I prethodne godine realiziran je Sajam privrede Biznis 2012. Općina je bila aktivna podrška udruženju privrednika u ovom projektu.

EKOLOGIJA

Upravljanje otpadom je tokom 2011 godine doživjelo proširenje mreže na cijelu općinu. U 2012 godini taj sistem je i dalje funkcionisao, ali je u dalji razvoj uvršteno postavljanje tzv. zelenih ostrva, kroz koje je omogućen početak selektivnog prikupljanja otpada. Kroz preduzeće su obezbijeđene početne pretpostavke za izdvajanje PET ambalaže iz otpada, njeno presovanje i prodaja kao reciklažne sirovine. Osim ove aktivnosti KP Rad, putem udruženja Eko mladi nastavljena je aktivnost prikupljanja PET ambalaže putem škola. Kraj prethodne godine dočekan je sa do sada sakupljenih oko 1.600.000 PET boca, samo u 2012. oko 600.000. U aktivnosti tokom 2013. Već je uključeno i Komunalno preduzeće tako da se očekuje dalje unapređenje.

Otpadne vode - U 2012 godini je završen Idejni projekat jedinstvenog kanalizacionog sistema za cijelu općinu. Sredstva su obezbijeđena iz Fonda za okoliš. Tokom godine općina je uputila Project fishe prema Evropskoj investicijskoj banci (putem federalnog ministarstva). Konačno odobrenje za potpisivanje ugovora o kreditiranju još nije stiglo iz banke. Vijeće će o narednim koracima biti adekvatno uključeno. KP Rad je sudskim putem osporilo tužbu MZ Jelah za preuzimanje na upravljanje dijelom izgrađene kanalizacije u ovoj mjesnoj zajednici.

Vodosnabdijevanje – Razvoj novih vodovodnih sistema je redovna aktivnost općine Tešanj i o aktivnostima u 2012. godini Vijeće je informisano i kroz Izvještaj o realizaciji Liste kapitalnih ulaganja u 2012. godini. Glavne aktivnosti su vođenje u na vodovodima Oraš Planje, Trepče-Medakovo, Dobropolje-Mekiš, a vođene su određene aktivnosti na pripremi projekata Tepe-Hrvatinić, Raduša i dr. Izvršeno je i hidrogeološko istraživanje izvorišta u Jelah polju i prema dobivenim rezultatima vode se dalje aktivnosti na izgradnji novih bunara (prema Budžetu za 2013.).

MLADI

I u 2012 godini mladi su imali podršku kroz različite modele:

Stipendije svima je aktivnost koja se nastavlja, pa je tokom prethodne godine općina omogućila 325 stipendija iz budžeta (uz podršku Ministarstva obrazovanja ZDK), te provodila aktivnosti za potpisivanje ugovora sa kantonom za još oko 150 stipendija. Podržavali smo predškolski odgoj novčanim podsticajima, osnovne i srednje škole kroz podršku u materijalnom obezbjeđenju osnovnih potreba. Već je ustaljena praksa da se krajem nastavne godine organizira prijem za najbolje učenika, pa je tako u 2012. na prijemu Općinskog načelnika na Gradini prisustvovalo više od 70 učenika u pratnji profesora i roditelja.

Realizirano je i 10 projekata neformalnih grupa kroz Omladinsku banku, a putem Poslovnih ideja, mladima je data podrška u pokretanju vlastitog biznisa (za registraciju poslovnih aktivnosti i doprinose u prvoj godini poslovanja). Potpisana su četiri ugovora o podršci općine za pokretanje poslovnih aktivnosti (registracija preduzeća i dr.).

KULTURA I NASLIJEĐE

Područje kulture će biti tretirano kroz izvještaje triju javnih ustanova koje djeluju u području kulture i informaciju o radu udruženja građana i Općinsko vijeće će imati priliku da na taj način raspravlja na ovu temu. Ovdje želimo naglasiti činjenicu da i pored ekonomske krize i situacije u BiH u kojoj se gase temeljne institucije kulture naša lokalna zajednica nije dovedena u takvu situaciju.

Želimo naglasiti da su u prethodnoj godini organizirane 3 općinske kulturne manifestacije kojima su obilježeni značajni datumi za općinu Tešanj (utvrđeni Statutom), te da je općina podupirala i druge javne i kulturne sadržaje koje su organizirala udruženja građana ili mjesne zajednice. U općinskim manifestacijama organizirano je 9 koncerata, 7 izložbi, 4 pozorišne predstave, 14 promocija... U aprilu mjesecu je posebnom manifestacijom sa niz različitih sadržaja obilježeno 20 godina od 4. aprila 1992. godine.

U području kulturno-historijskog naslijeđa realizirani su određeni projekti na Starom gradu Tešanj, u vrijednosti približno 90.000 KM, a sredstva su obezbijeđena iz drugih izvora. Osim toga pripremani su projekti za nastavak radova u 2013. godini.

REALIZACIJA STRATEŠKIH DOKUMENATA

Na samom početku 2012. godine, iz postojećih strateških dokumenata izdvojeni su projekti za prioritetnu realizaciju u prethodnoj godini. Iz postojećih dokumenata izdvojeno je 27 ciljeva, 14 iz Strategije razvoja 2007-2015, 5 iz Strategije za dostizanje vizije i 8 iz Strategije za podršku mladima. Svaki od projekata/ciljeva je imao svog menadžera, koji je periodično izvještavao o realizaciji planiranog. Više o realizaciji strateških dokumenata i stepenu postignuća na dostizanju ciljeva Vijeće će biti informisano kroz zasebnu informaciju koja je planirana Programom rada.

Uporedo sa realizacijom postojećih projekata/ciljeva rađeno je na izradi novog strateškog dokumenta. Na izradi nove strategije učestvovalo je 78 osoba organiziranih u pet različitih timova (Strateška platforma, Ekonomija, Ekologija, Društveni sektor, Mladi), uz učešće predstavnika iz javnih ustanova, javnih i privatnih preduzeća, udruženja građana, aktivnih sugrađana itd.

POLJOPRIVREDA

O razvoju poljoprivrede kao i mjerama koje su poduzimane u tom području Općinsko vijeće je upoznato kroz Informaciju o stanju u poljoprivredi i realizaciji Programa novčanih poticaja u 2012. godine na 4. sjednici OV Tešanj.

KOMUNALNA INFRASTRUKTURA I SAOBRAĆAJ

Javna rasvjeta

U 2012. godini inovirana je Odluka o javnoj rasvjeti kojom su propisani i neki tehnički elementi po pitanju izgradnje i održavanja objekata javne rasvjete. Trenutno općina plaća utrošak električne energije za 2855 rasvjetnih tijela na 2694 stuba rasvjete. U 2012. godini sistem je upotpunjen sa 92 nova stuba rasvjete (Tešanj-Jelah). Ušteda potrošnje javne rasvjete u odnosu na 2011. je 163.878 kW, odnosno 27.265.67 KM.

Ugrađeno je 584 štednih sijalica u 2012., tako da je sada ukupan broj 1769. Iz iznesenog se vidi da je nastavljen pristup racionalizacije i štednje.

Saobraćajna infrastruktura

Na prostoru općine ukupno je 468 kilometara cesta različitih kategorija. U općinskoj nadležnosti bilo je ljetno i zimsko održavanje na lokalnim i nekategorisanim cestama. Ukupno je održavano 194 km makadamskih cesta.

Poseban saobraćajni problem predstavlja infrastruktura na i uz magistralne ceste M17 i M4 (pješačke staze, priključne ceste, pješački prelazi). Uređena je raskrsnica na M17 u Šijama i na M4 u Kraševu.

Općina je bila podrška ovim projektima. U problemu funkcionisanja raskrsnice u Jelahu, općina je bila inicijator i učesnik projekta. Međutim do realizacije nije došlo, jer Kantonalna direkcija i Ministarstvo nisu odabrali i uveli izvođača radova. Općina je po ranijem protokolu platila projektnu dokumentaciju, izvršila nužnu eksproprijaciju i rezervisala finansijsko učešće. Do realizacije nije došlo. Pored toga općina je inicirala rješavanja sigurnosti saobraćaja u Ljetiniću, Kaloševiću kod nadležnih institucija i postavljanju adekvatne saobraćajne signalizacije.

Komunalna higijena

Komunalna higijena se najvećim dijelom realizira kroz godišnji ugovor sa Komunalnim preduzećem Rad. Pored toga dodatnim angažmanom uposlenih u upravi i podrškom Mješovite srednje škole realiziraju se proljetnja i jesenja uređenja javnih površina.

CIVILNA ZAŠTITA

Tokom 2012. godine uspješno je okončano više projekata deminiranja iz donatorskih sredstava i uz učešće općinskog budžeta. Vanredni angažman jedinice civilne zaštite i vatrogasne jedinice, kao i KP "RAD" bio je zbog dugog sušnog perioda na snabdijevanju cisternama vodom pojedinih područja koja su bila visoko ugrožena. Izvezeno je 301 cisternu vode ili 1505 m³. Uz to je osigurana pravovremena intervencija na svim požarima na području općine Tešanj.

Tokom 2012. godine Općinski štab civilne zaštite imao je 6 sjednica, sa 22 tačke dnevnog reda, donoseći 27 zaključaka. Naglašavamo da su usvojeni Program razvoja zaštite i spašavanja općine Tešanj 2012.-2016 i Program rada za izradu Procjene i Plana zaštite od požara Općine Tešanj.

JAVNA PREDUZEĆA I USTANOVE

Općina je osnivači 8 javnih ustanova i 3 javna preduzeća. O njihovom radu Vijeće se informiše putem Informacije o radu javnih ustanova i Izvještaja preduzeća. Bilo bi u redu istaknuti činjenicu da je prvi put nakon 14 godina došlo do investicije u novi vrelovod prema objektu srednjih škola, u čemu je općina aktivnosti sudjelovala kroz finansijske garancije i podršku, kao i koordinaciju sa Ministarstvom obrazovanja ZDK (koje je finansiralo podstanicu za srednje škole).

U ovom izvještaju treba pomenuti da je Općinski načelnik imao direktnu saradnju sa Nadzornim i Upravnim odborima, da je svaka javna ustanova i preduzeće imalo usaglašene godišnje ciljeve rada.

MJESNE ZAJEDNICE

Informacija o radu mjesnih zajednica za 2012. godinu (planirana za 6. sjednicu OV, nakon završnih računa MZ) će sadržavati detaljniji pregled rada mjesnih zajednica.

NVO

Krajem 2011. godine inovirana je Odluka o kriterijima za finansiranje projekata udruženja građana, kojom se uređuju odnosi i način finansiranja rada udruženja. Odluka je unaprijeđena prema LOD metodologiji koja je razvijena od UNDP-a (Razvojni program Ujedinjenih nacija u BiH). Od UNDP-a smo ocijenjeni kao općina kkoja je zabilježila najveći napredak tokom trajanja projekta LOD, u kojem su za općinu Tešanj korištena sredstva Evropske unije od oko 150.000 KM.

Osim toga općina je putem javnog poziva finansirala određeni broj projekata u 2012. godini, o čemu će Općinsko vijeće posebno biti informisano kroz Informaciju o radu udruženja građana, koju bi Vijeće trebalo razmatrati na svojoj 6. sjednici.

BORAČKE POPULACIJE

Općina nema neposrednu nadležnost u području ostvarenja prava boračke populacije, ima samo prenesene obaveze viših nivoa vlasti (kantona i federacije) da servisira obaveze iz njihovih nadležnosti. Općina je radila po nalogima kantona određene poslove, dajući i sama podršku (predviđenu kroz Budžet) da se dio problema boračke populacije umanjí ili riješi. Veliki teret je predstavljala i nova revizija, koja je u Tešnju napravila i određene probleme o kojima je vijeće tokom godine informisano. Određena izvođenja iz prava su nakon nekog vremena i dosta nervoza rezultirala ponovnim priznavanjem prava, tako da će 2012 ostati upamćena velikim poslom na reviziji sa ograničenim efektom.

Ako bi neko htio, uvijek bi mogao zloupotrijebiti okolnosti (ogromne potrebe i ograničenost sredstava) te rad predstaviti u drugom svjetlu, jer su potrebe veće od mogućnosti, pa tako na 100 riješenih problema kod boračke populacije, uvijek bude još jedan broj onih koji nisu riješeni zbog finansijskih ograničenja.

Saradnja sa boračkim udruženjima se odvijala tokom cijele godine i može se ocijeniti uspješnom.

Općina je tokom 2012. godine vršila administrativni servis u boračko-invalidskoj zaštiti

Naziv postupka	Broj zahtjeva	Uvaženo zahtjeva	Odbijeno zahtjeva	Neriješeno zahtjeva
JNP iz općinskog budžeta	348	338	6	4
Dodjela prehrambenog paketa	489	485	3	
Teška socijalno ekonomska situacija	193	183	10	
Zahtjev za pomoć u liječenju	177	145	32	
Nabavka ortopedskog pomagala	8	7	1	
Pomoć u nabavci udžbenika	585	413	172	
Pomoć u stambenom zbrinjavanju	235	6	130	99
Zahtjev za odobravanje stipendija	174			174
Banjsko klimatsko liječenje	118	39	79	
Zahtjev za pomoć u snošenju troškova dženaze	67	67		
Zahtjeva za ličnu invalidninu	5	4	1	
Zahtjeva za porodičnu invalidninu	146	145		1
Zahtjeva za zdravstveno osiguranje	6	6		
UKUPNO	2551	1838	434	278

PENZIONERI, SOCIJALNA ZAŠTITA

Kao i prethodnih godina općina je imala intenzivnu saradnju sa Udruženjem penzionera. Putem udruženja penzionerima je pomagano kod troškova ukopa i nekih drugih troškova (o tome se više informiše posebnim Informacijama). Uvedena je i subvencija za troškove grijanja za penzionere i funkcionisao je ovaj vid podrške tokom cijele godine. Koliko god općina nastojala da pomogne, ipak rješenje problema sa kojima se susreće ova populacija ne može ponuditi općina.

O raseljenim i problemima povratka Općinsko vijeće je informisano kroz posebnu Informaciju.

DOMAĆE I MEĐUNARODNE INSTITUCIJE-SARADNJA SA DRUGIMA

Viši nivoi vlasti

Jasno je da su odnosi s višim nivoom vlasti često pod različitim političkim utjecajima. Ti odnosi se manifestuju u institucionalnoj saradnji, ali i u nekim servisnim poslovima. 2012. godinu je karakterisalo smanjenje transfera sredstava sa viših nivoa vlasti, pokušaji preuzimanja osnivačkih prava nad Općom bolnicom u Tešnju. Općina je u svim situacijama ispunjavala preuzete obaveze.

Općine u okruženju

Intenzivirana je saradnja sa općinama u okruženju (Doboj Jug i Usora) na izradi studije za zajednički uređaj za tretman otpadnih voda, te uz ove općine saradnja sa opštinama Teslić i Doboj na drugim projektima.

Članstva u drugim organizacijama

Općina je jedan osnivača u Savezu općina i gradova i aktivno je učestvovala u radu ove organizacije, kroz rad u godišnjim skupštinama, rad u radnim tijelima i sl. pored toga općina je osnivač i sufinansijer regionalne razvojne agencije REZ Zenica. REZ je kroz projekte EU radio na nekim projektima na prostoru općine uglavnom sa privatnim preduzećima, konkretno u 2012. godini Adria Nautic Cluster (projekat REZ-a odobren od programa IPA CBC Adriatic – prekogranična saradnja).

Ambasade i Međunarodne organizacije

U 2012. godini općina Tešanj je imala određene kontakte i saradnju sa Ambasada Kine, Japana, Indonezije, Brazila, Njemačke, Austrije, Švedske, Makedonije, Albanije, Crne Gore, Srbije, Grčke, Libije, Egipta, Saudijske Arabije. Efekti ovih kontakata su različiti.

U saradnji sa **UNDP**-om realiziran je projekat „Jačanje lokalne demokratije 2“(LOD2) u području organizacija civilnog društva. Učešće općine je visoko ocijenjeno i trenutno smo pozvani za učešće u novom krugu projekta. Uz podršku **OSCE**-a realiziran je projekat Akademije za građane. Vijeće je informisano o ovom projektu.

TIKA – Zadržan je dobar odnos sa Turskom razvojnom agencijom, koja je krajem 2011. godine posjetila općinu Tešanj, te je tom prilikom, a i u narednim susretima rađeno na pripremi mogućeg zajedničkog projekta na novoj zgradi biblioteke. Trenutno se čeka odgovor na aplikaciju iz Ankare.

GIZ- (Njemačko društvo za tehničku pomoć) je sa općinom radilo na projektima Unapredjenje lokalne i regionalne privrede - Ocjena potencijala metaloprerađivačke industrije u mikroregiji Tešanj-Teslić-Žepče.

Delter – projekat ispunjavanja uslova iz Energetskog ugovora zajednice za države JIE sa fokusom na energetska efikasnost i obnovljive izvore energije.



Općinski načelnik

Mr.sc. Suad Huskić, prof.